


**AWIG - AWIG  
DESA ADAT BONJAKA**



**DESA SEBATU  
KECAMATAN TEGALLALANG  
KABUPATEN DAERAH TINGKAT II GIANYAR**

P I D A G I N G

MAKA BANTANG AWIG AWIG DESA ADAT BONJAKA

MURDHA - CITTA

PRATHAMA SARGAH ARAN LAN WAWIDANGAN DESA ..... 1

DWITYA SARGAH PATITIS LAN PAMIKUKUH ..... 2

TRITYA SARGAH SUKERTA TATA PAKRAMAN ..... 2

Palet 1 Indik Krama ..... 2  
 Palet 2 Indik Pradjura / Dulun Desa ..... 5  
 Palet 3 Indik Kulkul ..... 7  
 Palet 4 Indik Paruman ..... 8  
 Palet 5 Indik Druwen Desa ..... 9  
 Palet 6 Sukerta Pamitegep ..... 9

Kaping 1 Karang, tegal lan carik ..... 11  
 Kaping 2 Pepayonan ..... 12  
 Kaping 3 Wewangunan ..... 12  
 Kaping 4 Wewalungan ..... 12  
 Kaping 5 Bhaya ..... 13  
 Kaping 6 Panyanggran Banjar ..... 14

CATHURTAS SARGAH SUKERTA TATA AGAMA

Palet 1 Indik Dewa Yadnya ..... 14  
 Palet 2 Indik Resi Yadnya ..... 17  
 Palet 3 Indik Pitra Yadnya ..... 17  
 Palet 4 Indik Manusa Yadnya ..... 20  
 Palet 5 Indik Bhuta Yadnya ..... 21

PANCAMA SARGAH SUKERTA TATA PAWONGAN

Palet 1 Indik Pawiwahan ..... 22  
 Palet 2 Indik Nyapian ..... 24  
 Palet 3 Indik Sentana ..... 25  
 Palet 4 Indik Warisan ..... 26

SAT SARGAH WICARA LAN PAMIDANA

Palet 1 Indik Wicara ..... 28  
 Palet 2 Indik Pamidanda ..... 28

SAPTAMA SARGAH NGUWAH NGUWUHIN AWIG - AWIG ..... 29

ASTHAMA SARGAH S A M A P T A ..... 30

MURDHA CITTA

AUM, OM

Om Swastyastu, Om awighnamastu nama sidham,

Malarapan saking panghyangning Ida Sang Hyang Widhi Wasa, asung kerta nugraha ngawentenang kahuripan sakala niskala, ring Bhuwana Agung lan Bhuwana Alit. Manut dresta desane wantah pawakan pasayuban Krama Desa rawuhing kula warga pawongannya. Desane kamanggehang Bhuwana Agung, pawongannya sowang-sowang pinaka Bhuwana Alit.

Sotanin Bhuwana Agung, Desane wantah pawakan Bhawa maurip, Djangkep saha Tri Hita Karananya, luwire :

ha. Parhyangan sahananing kahyangan, panyiwian Desa genah ngarcana Ida Sang Hyang Parama Wisesa, maka jiwa desane.

na. pawongan, krama saha warga desa maka sami pawakan Bayu Pramana (Tri Kaya) mawinan Desane sida molah maprawerti.

ca. palemahan, tanah kakuwuban Desa, sinanggeh stula sarira-ning desane.

Adung patemon Bhuwana kalih, larapan santa jagadhita, sinanggeh murdhaning prayojana pangriptaning Awig-awig Desa Pakraman ring sabha krama Desa Adat Bonjaka.

Putusing sabha inucap pinaka sepat siku-siku pamatut, wastu prasidha prayojanan mami kabeh prasama anghidep muwah amagehaken kadi linging Awig-awig iki.

PRATHAMA SARGAH

ARAN LAN WAWIDANGAN DESA

Pawos 1

- (1) Desa Adat puniki mawasta Desa Adat Bonjaka.
- (2) Jebar kakuwub wawidangannya mawates nyatur :
  - ha. Sisih Wetan ring Desa Adat Jati ;
  - na. Sisih Kulon ring Desa Adat Taro Kelod lan Taro Kaja;
  - ca. Sisih Lor ring Desa Adat Belong;
  - ra. Sisih Kidul Tukad Woos;
- (3) Desa Adat puniki kawangun antuk 28 ayahan desa lan karang gunakaya.
- (4) Sajawaning Krama Desa sane munggah ring ajeng, wenten taler sane kawastanin Krama Banjar, inggih punika sahaning wong desane sane sampun majangkepan/marabian, taler patut makrama Banjar Dalem.
- (5) Kakuwub wawidangan Desane, manut dresta luwire :
  - ha. Papupulan karang paumahan, sinanggeh palemahan desa Pakraman.
  - na. Setra, Carik miwah Tegal ring kakuwub wawidangan desa, sajabaning palemahan desa manggeh telajakan Desa.

- (6) ha. Awig-awig , pararem miwah sahanan paswaran Desane, manggeh kajejerang ring kakuwub wawidangan Desane sami ;  
na. Awig-awig miwah pararem subak telajakan Desane tan maren manggeh kainggilang.

DWITYA SARGAH

PATITIS LAN PAMIKUKUH

Pawos 2

Desa Adat Bonjaka puniki ngamanggehang pamikukuh minakadi :

- ha. Pancasila ;  
na. Undang-undang Dasar 1945 pamekas Pasal 18;  
ca. Perda Propinsi Daerah Tingkat I Bali No. 06 Tahun 1986;  
ra. Tri Hita Karana manut tatwa miwah sada cara Agama Hindu.

Pawos 3

Patitis Desa Adat Bonjaka luwire :

- ha. Mikukuhin miwah ngrajegang Sang Hyang Agama;  
na. Nginggilang tata prawertine maagama;  
ca. Ngarajegang kasukertan Desa saha Pawonganya sakala lawan niskala.  
ra. Ngarajegang tata sangaskaraning pawongan, pamekas sane ngiket pakulawargan.  
ka. Ngarajegang kasukertan saraja druwening desa miwah druwening pawonganya sami.

TRITYA SARGAH

SUKERTA TATA PAKRAMAN

Palet 1  
Indik Krama

Pawos 4

- (1) Sane kabawos Krama Desa, inggih punika kulawarga sane maagama Hindu sane ngamong karang Desa / karang gunakaya miwah magenah jenek wiadin madunungan sajeroning palemahan Desa Adat Bonjaka.  
(2) Sajaba punika einanggeh tamu, manut pararem.

Pawos 5

Krama Desa Adat Bonjaka puniki wenten 5 (limang) pawos, luwire :

- ha. Krama ngarep, inggih punika kulawarga sane ngamong karang, Desa miwah karang gunakaya;  
na. Krama karang ngempi, inggih punika kulawarga sane ngraksa karang ayah Desa 1 ara utawi 2 are, lan karang gunakaya;  
ca. Krama ngempi inggih punika kulawarga sane tan ngamong karang ayahan Desa;

ra. Kerama.....

- ra. Krama tekél, tegesnia krama ngarep utawi krama ngempi eilih tunggil lanange/istrine sampun lampus utawi sangkanin nyapihan;
- ka. Kerama tapukan inggih punika :
- 1) Krama sane durung antes ngayah katinggal olih yayah renania, gumentos antes ngayah;
  - 2) Krama sane katiban gering mawastu nenten merasidayang ngayah, gumentos waras sakemaon yan madruweoka sane sampun antes ngayah, polih tatapukan wantah tedun ping 30 (tiga);
  - 3) Krama tapukan mamungkul utawi nyibakin, yan sentanania sampun antes ngayah, sakemaon kanton masekolah (malারণan ilikita pastika saking sekolahnyane) kakeninin pamogog manutin ungguhan lan pararem.

Pawos 6

Ngawit dados Krama Desa/Banjar Adat :

- ha. Mawiwit ngamongin karang ayahan Desa utawi karang gunakaya;
- na. Mawiwit jumenek sajeroning palemahan Desa Adat Bonjaka;
- ca. Malarapan antuk pawiwahan pratisentana ha. miwah na. ring ajeng.
- ra. Sahanan warga desa sane jumenek ring wawengkon Desa Adat, patut satinut ring kecaping Awig-awig lan pararem sane sampun kamanggehang.

Pawos 7

Panamayan tedun makrama Desa / Banjar Adat:

- ha. Malarapan antuk pawiwahan kakawitin ring rahina : Tilem kasanga/ngarupuk ring piodalan Ida Batara Dalem ritatkala makalahyangan.
- na. Malarapan antuk patilar rahayu saking warga Desa tiwosan, prade pacang jumenek patut tedun makrama risampun mawaneng 42 rahina saking atur supeka ring Prajuru Desa Adat, saha nawur panaub manut pararem, miwah sumanggap nganutin saurah arih kecaping Awig-awig lan pararem sane kamanggehang olih Kerama Desa;

Pawos 8

(1) Sahanan Krama Desa sami keni ayah lan tategenan sakadi ring sor :

- ha. Ayah ngarep saking krama ngarep, mapiteges urunan miwah ayahan mamungkul;
- na. Ayah ngempi saking krama karang ngempi , keni pawedal manut pararem, lan ayah manut wiguna;
- ca. Ayah tekél (pangrombo) saking krama balu, keni ayah miwah pawedal manut pawongania, napeke lanange utawi istrine sane lampus. Yening balu punika ngmpu, sang balu punika keni ayah mamungkul, yen empu-empuane sampun antes ngayah.
- ra. Sangkaning kanorayang, duwaning sampun tan prasida ngesehin solah;
- ka. Sang wusan makrama desa mapiteges taler wusan makrama banjar, utawi sang wusan makrama banjar mapiteges wusan makrama desa, mangda sampunang kasinanggeh empak ngalanting .

(2) Sang.....

(2) Sang wusan makrama Desa :

- ha. Patut ngaturang karang ayahan desa ring krama desa prade karang punika karang desa;
- na. Tan polih pah-pahan sakancan padruwean desa;
- ca. Tan polih pasayuban sakronin ala ayu;
- ra. Sang wusan makrama Desa/Banjar prade mawali malih patut nawur saurah arih tategenan krama manut pararem.

(3) Sang Wusan sangkanin kanorayang, prade mawali malih patut :

- ha. Muntasang saluwir pamidanda utawi tategenan sane ngranayang kanorayang;
- na. Nunas geng pangampura ring paruman Desa maduluran panyangaskara panyapsap kaiwangan, duwaning nguwak pasubaya pecak.

Pawos 9

Swadharman Krama, sewosan ring tategenan, luwire :

- ha. Tinut saturut ring sadaging Awig-awig, pararem lan paswaeran Desa;
- na. Tan maren ngutsahayang mangda Desane mrasidhayang nyujur manut patitis;
- ca. Tinut saturut ring Guru Wisesa.

Pawos 10

Swadharman Tamiyu, luwire :

- ha. Tinut saturut ring yasa kertin Desane;
- ca. Tan piwal ring sadaging Awig-awig, pararem lan paswaran Desa;
- ra. Nyadokang raga ring Prajuru arahina sasampun jumenek malarapan antuk ilikita pastika, saking Desane utawi saking sang Ngawawenang
- ka. Yan tan tinut pacang kairid (tan kadadosang jumenek ring Desa.

Pawos 11

Piolih-olihan Krama :

- ha. Polih pasayuban sakala niskala tur kabawosin saha katiwakin pamutus sahanan wicaranya;
- na. Nyarengin paruman tur wenang sareng mastikayang pamutus;
- ca. Kadadosang madeg Prajuru, manut pararem.

Pawos 12

(1) Krama Desa kadadosang mapuangkid utawi tan tedun :

- ha. Rikala ngakerebin
  - 1) piasan
  - 2) Gedong/meten
  - 3) Bale Dangin
  - 4) Paon/perantenan
  - 5) Jineng /kelumpu

5) Mayadnya.....

- na. Mayadnya sanistane, itik lan ayam masimat, sasuen ipun tedun apisan, sajawaning ring tumpek pangarah, Kuningan, lan Galungan.
  - ca. plodalan ring Pamerajan/sanggahnya salami tedunan apisan.
  - ra. rikalaning nunas bawos (mamasar) salaminya arahina
  - ka. Rikalaning matepetin sungkan sane magenah ring desa
  - da. Rikalaning matepetin sungkan ring sajeroning paumahan, sasampun wenten kabebasan saking Prajuru
  - ta. Rikalaning nganter anak sungkan
  - sa. Rikalaning kasengan olih sang Rumawos/Mawangrat
  - wa. Pacang ngamargiang utusan Desa/Banjar sane mabuat, arahina sadereng mamargi
  - la. Ngingsirang puri/umah salamin ipun arahina
- (2) Nyade utawi nyuksukin sane kawenangang sasampun manggeh deha taruna utawi merasidayang nganutin krama
- (3) Malaga utawi ngentosin ayah-ayahan antuk arta barana manut paetangan, manawita kajudi olih sang mawangrat utawi sane mabuat lianan sasampun polih kabebasan saking I Kerama Desa.
- (4) Agung alit pamlagane inucap kaanutang ring pararem.
- (5) Yen wenten silih tunggil krama sampun werda tur katah madruwe sentana, wenang i krama nyudi silih tunggil sentanania mangda nyade/nyeladihinin manut pararem.
- (6) Tata cara ngadegang sentana, mangda kaanutang ring pararem.

### Pawos 13

- (1) Wusan dados Krama Desa, luwire ;
- ha. Sangkanin pinunas ngeraga, manawi kesah kadura Desa utawi ngalangkungin sagara;
  - na. kanorayang , duaning sampun tan prasida ngesehin solah maprawerti satata mamurug kecaping Awig-awig.
  - ca. Sang wusan makrama desa mapiteges taler wusan makrama banjar, utawi sang wusan makrama banjar mapiteges wusan makrama desa, mangde sampunang kasinanggen empak ngalanting.
- (2) Sang wusan makrama Desa :
- ha. patut ngaturang karang ayahan ka Desa, prade karang punika karang Desa;
  - na. Tan polih pah-pahan druwen Desa utawi druwen banjar
  - ca. Tan polih pasayuban sajeronin ala ayu
  - ra. Sang wusan makrama Desa/Banjar, prade mawali malih, patut naur saurah arih tategenan krama, manut pararem.
- (3) Sang wusan sangkanin kanorayang, prade mawali malih patut:
- ha. muntasang saluwir pamidanda utawi tategenan sane ngranayang kanorayang;
  - na. nunas geng pangapura ring paruman Desa, maduluran panyangaskara panyapsap kaiwangan; duwaning nguwak pasubaya pecak.

Pawos.....

Pawos 14

Sane kasinanggeh tamiyu kapalih kadadosang 2 (kalih) pawos:

- ha. Sane ma-Agama Hindu :  
Ngarauhin pakulawargania sane wenten sajeroning Desa Adat Bonjaka, arep mawirasa miwah ngaturang bakti ring kahyangan sane wenten ring sajeroning Desa Adat Bonjaka, polih waneng wantah 42 rahina. Yan prade langkungan ring punika patut keni beya pacalang nangken warsa manut pararem.
- na. Sane nenten ma-Agama Hindu, manawita :  
Mawirasa utawi ngarereh karya, waluya kasinanggeh tamiyu saha patut nginutin kecaping angka (1) ring ajeng miwah manut pararem.

Palet 2  
Prajuru / Dulun Desa

Pawos 15

Desa Adat Bonjaka kaenter olih Bendesa Adat Banjar Adat kaenter olih Klian Banjar Adat, ngarangkep Kelihan Dinas, Bendesa lan Klian patut mawiwit saking krama ngarep, tan cedangga, tur uning ring aksara Bali tur Latin. Bendesa Adat kaadegang malarapan antuk pamilihan (kacatri) nyabran 5 (limang) warsa, sajawaning wenten parilindik tios tur kangkat kapilih/kacatri malih, miwah maduluran Dewa saksi ring Pura Desa. Kelihan Banjar Adat kaangkep olih Kepala Dusun/Banjar, kaadegang malarapan paingkup Kerama Banjar, Kepala Desa, miwah Camat manutin Undang-undang, saha maduluran Dewa saksi (mawinten) ring Pura Dalem. Sinoman utawi juru arah, kajudi olih parajuru, salami sang kajudi kantos nunas wusan dados juru arah.

Pawos 16

- (1) Bendesa Adat kasangga olih :
  - ha. Patajuh utawi pangliman pinaka wakilnya;
  - na. Panyarikan pinaka juru surat;
  - ca. Artha Raksa, pinaka juru raksa jinah lan padruweyan Desa Adat;
  - ra. Kasinoman/saya janggi, pinaka juru arah lan ngawacak I Krama Desa.
- (2) Kelihan Banjar kasangga olih:
  - ha. Patajuh sane ngalaksanayang upakara yadnya;
  - na. Patajuh sane ngalaksanayang wewangunan;
  - ca. Panyarikan pinaka juru surat;
  - ra. Artha Raksa, pinaka juru raksa jinah lan padruwen Banjar;
  - ka. Kasinoman/saya janggi, pinaka juru arah lan ngawacak I Krama Banjar;
  - da. Pacalang pinaka patelik.

Pawos 17

- (1) Swadharmaning Bendesa miwah Kelian :
  - ha. Ngalaksanayang/ngenterang daging Awig-awig miwah pararem Desa/Banjar;
  - na. Ngenterang.....

- na. Ngenterang/ngatangang padruwen Desa/Banjar  
ca. Nuntun tur ngenterang krama rawuhing warga Desa/Banjar ngupadi kasukertan sakala niskala manut patitis;  
ra. Nuntun saha nyaksinin tatacara sangaskaraning keuripane sane mabuat, sane ngilitang sulur pakulawargan  
ka. Maka duta Desa/Banjar matemuang bawos ring sapa sira ugi.
- (2) Swadarmaning Panjarikan :  
Ngalaksanayang pailikitan miwah sareng ngenterang karahajengan I Krama Desa/Banjar sami.
- (3) Swadarmaning Kubayan :  
Nuntun pamargin Agama/Adat miwah padewasan saha upacara upakara sajeroning Desa Adat ring sor :  
ha. Desa Adat Talepud  
na. Desa Adat Tumbakasa  
ca. Desa Adat Bonjaka  
ra. Desa Adat Belong  
ka. Desa Adat Tebuana  
da. Desa Adat Sengkaduan  
ta. Desa Adat Let  
sa. Desa Adat Pakuseba  
wa. Desa Adat Taro Klod
- (4) Swadharmaning saya/sinoman  
Ngalaksanayang sapakoning Parajuru
- (5) Swadharmaning Pacalang  
Maka patelik sukerta Desane.

Pawos 18

Yening Prajuru nilar swadarman utawi sesana, keni pamidanda nikel ring dadosang krama manut dudonan saha kengin kawisang, dados prajuru manut pararem.

Pawos 19

Tata Cara ngalaksanayang swadarma muang sesana tan maren kaanutang ring awig-awig, pararem muah paswaran desa/banjar.

Pawos 20

Prajuru kagentosin riantukan :

- ha. s e d a/padem;  
na. kanorayang dwaning iwang pamargi utawi nilar sasana;  
ca. wit saking pakayun rahayu/patut, dwaning sampun wenten 5 (limang) warsa dados prajuru manut senger, tur sampun kaingkupin ring sajeroning paparuman olih I Krama Desa/Banjar.

Pawos 21

Patias utawi olih-olihan parajuru desa/banjar:

- ha. Luput saluwiring reramon, sajaba gesing, genteng gesing, kelabang manut pararem;  
na. polih pangangkepan saluwiring malang, manut dresta;  
ca. Patias tiwosan manut pararem.

Palet .....

Palet 3  
Indik Kukul

Pawos 22

- (1) Kukul ring Desa Adat Bonjaka luwire:
  - ha. Kukul ring Kahyangan;
  - na. Kukul Desa Adat;
  - ca. Kukul Banjar Adat/Tempekan;
  - ra. Kukul Sekaa-sekaa.
- (2) Tabuh tatepakan kukul ring Kahyangan Desa :
  - ha. nungtit/silih asih, tengeran wenten Yadnya/Upacara;
  - na. tulud lambat, tengeran tedun ngayah;
  - ca. bulus, tengeran wenten bhaya.
- (3) Tabuh tatepakan kukul ring soang-soang babanjaran :
  - ha. Bulus
    - 1) a tulud bulus, tengeran kageni bhaya;
    - 2) duwang tulud bulus, tengeran kapandangan (artha bhaya);
    - 3) tigang tulud bulus, tengeran jiwa bhaya;
    - 4) tigang klentungan bulus panjang, tengeran lindu, er, lan pawana bhaya.
  - na. Lambat :
    - 1) Duwang tulud lambat, tengeran samuha;
    - 2) nungtit silih asih tengeran surya graha, bulan kapangan, ngaturang puja wali, ngarawihang sasuhunan/barong rikalaning katuran simpang kapura;
    - 3) a tulud lambat, tengeran nimbang rare;
    - 4) lambat panjang rikalaning ngarupuk;
    - 5) 2 (kalih) tulud lintang 3 (tigang) kelentungan, tengeran ngembak brata panyepian.
  - ca. Klentungan :
    - 1) Tigang klentungan tengeran mitahu wenten anak lampus;
    - 2) Limang kelentungan lambat, tengeran ngurungang patedunan;
    - 3) Pitung klentungan, tengeran pangantenan/pawarangan;

Pawos 23

- (1) Kukul Desa lan kukul Banjar tan wenang katepak yening tan sangkaning pituduh Prajuru sajawaning wenten bhaya lan rikalaning ngarupuk.
- (2) Sang nepak kukul tan sangkaning pituduh prajuru, patut digelis atur supeka ring prajuru maka buatan panepake, yan tan sapunika wenang kadanda manut pararem.
- (3) Kukul sekaa-sekaa samalija kukul pondokan-pondokan tan kalugra nyawerin (matehin) sukat utawi tengeran kukul Desa / Banjar sajawanin tengeran bhaya prade mamurug taler kadanda manut pararem.

Palet.....

Palat 4  
Indik Paruman

Pawos 24

(1) Paruman/ sangkepan ring Desa Adat Bonjaka luwira :

- ha. paruman Desa/Banjar Adat muah subak:
  - 1) nyabran ngasasih, maka cihna tanpa arah-arahan dwaning sampun tetep panamaya manut pararem soang-soang
  - 2) napkala ( padgata kala ) maka jalaran cihna kulkul (palet 3 (2) aksara na).
- na. sangkepan desa, kawentenang nangken anggara kasih;
- ca. Sangkepan subak kawentenang nangken buda kliwon;
- ra. Sangkepan banjar kawentenang nangken anggara kasih;
- ka. Sangkepan prajuru kawentenang manutin pabuat;
- da. Sangkepan pasekaa-sekaan kawentenang manutin pabuat.

(2) Paruman Desa utawi Banjar madudonan sakadi ring sor :

- ha. prasida lumaksana risampun katedunin olih sang patut ngamiletin, kamanggala antuk tengeran swaran kulkul saha mabusana sergep tur nyungklit, tan kalugra makta kakaryan sambilan sakaluire;
- na. Tan maren ngarcana ring Ida Bagawan Panyarikan maka widhi widana cane;
- ca. masarana antuk janggi, maka pangawit kalaksanayang pangawacak sep-sepan saha kalanturang ngawacak dadosan gung alit manut pararem;
- ra. tan kayogya ngawetuang suwara gora utawi byota, yan wenten asapunika keni pamidanda beya pacamil kadi dandaning nguman-uman ring sabha;
- ka. pamutus babawos beriuk sapanggul (ingkup) punika sane kamanggehang;
- da. Sahananing babawos sane sampun kaputusang ring paruman mawastu wenten silih tunggil krama ngucapang pamutus paparuman punika nenten patut, wenang wong inucap kakeninin pamidanda pacamil kadi dandaning nguman uman ring sabha.

(3) Prade pidaging paruman punika nenten kaingkupin, mangda Prajuru Desa ngutsahayang ngilikang babawose, saha pamutus-nya mangda kararemin olih Krama Desa, bilih tan prasida kasungkemin jantos ping tiga Prajuru wenang nunas bawos ring Sang Ngawa Wenang.

Pawos 25

(1) Sajeroning paruman Desa, Bendesa patut nambyakang pamargin ngenterang Desa, pamekas nganinin indik:

ha. munjuk.....

- ha. Munjuk lungsurung pakraman saha ayah-ayah, sulur arta  
brana, padruwen Desa miwah sane lian-lianan;  
na. Rarincikan Prajuru nganinin indik usaha Desa  
kapungkur.
- (2) Pamutus paruman Desa sinanggeh pararem maka pamitegep daging  
Awig-awig.

Pawos 26

- (1) Paruman Prajuru Desa/banjar kawenang wantah ngarincikang  
pangerencana usaha Desa kapungkur.
- (2) Paruman Prajuru Desa/banjar tan kawenang ngawedalang  
tategenan ring I-Krama Desa/banjar adat sadereng kaingkupin  
sajeroning sangkepan desa/banjar.
- (3) Pamutus paruman Prajuru Desa/banjar sane mawiwit sakeng  
pituduh sang Ngawawenang taler kasinanggeh paswara.

Pawos 27

- (1) Pasangkepan pasekaa-sekaan kawentenang ngasasih utawi  
padgatakala manut tatujon miwah wigunania soang-soang.
- (2) Nangken pasangkepan ekaa patut atur supekaa rihin ring  
parajuru desa/banjar mangda prasida tan lempas ring patitis  
pawos 5 ring ajeng.

Palet 5  
Indik Druwen Desa

Pawos 28

Padruwen Desa/banjar Adat Bonjaka kawentenanya sakadi ring sor :

- ha. Kahyangan Desa luwire : Pura Desa lan Bale Agung, Pura  
Puseh, Pura Dalem, Pura Ulun Suwi, Pura Kembang Jenar,  
Melanting, Pura Kemit, Pura Batur Jati lan Praja Pati.
- na. bale Wantilan 1, perantenan 1, dineng 2, magenah ring jaba  
Pura Dalem.
- ca. Bale Wantilan, warung, perantenan, magenah ring jaba Pura  
Puseh.
- ra. Setra Asiki.
- ka. Palaba pura marupa tegal, carik magenah ring :

LABA RING SUBAK BONJAKA

- (1) Laba Pura Bale agung Bonjaka
- |        |       |         |
|--------|-------|---------|
| Persil | kelas | linggah |
| 8 sp   | JJ    | 070,0   |

(2) Laba.....

Pawos 29

- (1) Prajuru Desa/banjar wenang ngetangang pamupon laba Pura lan sapanunggalan druwen Desa/banjar adat.
- (2) Pikolih lan pamuponnya kaanggen prabeya piodalan miwah wewangunan ring Pura.
- (3) Nyabran pasangkepan Desa/banjar adat, bendesa/kelian adat patut nguningayang pariindik pamargin jinah padruwean desa/banjar adat ring I Krama samian.
- (4) Sakaluwiring padruwen Desa/banjar patut wenten ilikitannya.
- (5) Tan kalugra ngadol utawi ngesahang padruweyan Desa/banjar yan tan kasungkemin olih Krama Desa ring paruman.

Falet 6  
Sukerta Pamitegep

Kaping 1  
Karang, Tegal lan Carik

Pawos 30

- (1) Krama Desa pangamong Karang Desa utawi karang gunakaya patut ngawatesin karang inucap antuk tembok utawi pagehan mangda pakantenannnya asri.
- (2) Wates sisi kaler miwah kangin patut kakaryanin olih sang ngamong karang ayahan inucap, sane mawasta gagaleng kaluan.
- (3) Prade karasayang pagehan/turus inucap ngalikadin, yen pada arsa panyandinge, kengin watese nganggen pinget kewanten, kasaksinin olih Prajuru Desa/banjar utawi pracihna pal saking Sang Ngawawenang.
- (4) prade wenten karang kabebeng /embet mangda kautsahayang wenten pamarginnya,manut paigum lan pararem.

Pawos 31

- (1) Tegal miwah carik patut magaleng ring genahe soran/magaleng kateben utawi manut dresta.
- (2) Wates carik miwah tegal kengin ngangge pagehan, yan prasida mangda ngangge balok beton, saking sang ngawa wenang.

Pawos 32

- (1) Sinalih tunggil Krama Desa/Banjar tan kalugra :  
ha. Ngalah-alah margi, tegal ayahan Desa, karang Desa, lan sapa nunggalanya;  
ca. ngalah-alah tanah linggih kahyangan, tegak setra, lan sakancan linggih sinanggeh suci.

(2) Prade.....

- (2) Prade wenten malaksana sokadi munggah ring ajeng inucap :  
ha. aksara ha ring ajeng, keni pamidanda manutin pararem saha ngawaliang sane kaalahang punika.  
na. aksara na sajawoning keni danda kadi ring ajeng taler mawuwuh keni upakara pamerayascita sane matatujon ngawaliang kasucian tanah inucap.

Pawos 33

- (1) Sinalih tunggil krama desa becikne nenten ngadol wiadin ngantahang pakaranganne utawi tanah desa, riantukan tanah inucap kabanda antuk ayahan.
- (2) Sapasira ugi sane numbas tanah ayah desa/telajakan desa mangda ngayah madesa, yan tanah inucap kawangunin wewangunan tur jenek ring wawidangan Desa Adat Bonjaka mangda satinut ring pararem desa sane sampun kasungkemin sakeng dumun.
- (3) Silih tunggil krama desa celed ring ayah, wenang katiwakin pamidanda manut pararem, yening jantos awarsa celed ring ayah miwah pawedal, nenten sangkan panugrahan Prajuru desa wenang karang wiadin tanah desa punika kadaut olih I Krama desa.

Kaping 2  
P e p a y o n a n

Pawos 34

- (1) Ngawit nandur pepayonan tanem tuwuh sukat ipun nenten kirang adepa agung (1,5 meter) ngajerang saking wates.
- (2) Yening wenten tatanduran ngungkulin, samaliha mawastu naonin kapisaga patut sang kaungkulan digelis ngawara antuk paiguman, salantur ipun prasida sang nruwenang taru punika digelis ngebah utawi notor taru inucap.
- (3) Prade sampun kawara, taler tan wenten usaha sang nruwenang wit taru punika, sang rumasa kataonin/kajerihan wenang masadok ring prajuru, tur sampun kaparitatas, yukti sakadi pangaloke, wenang I Prajuru ngandikayang mangda sajeroning tigang rahina, taru punika kakaonang. Yan sang madruwe tiwal ring pamutus Prajuru wenang sang masadok ngeonang taru punika saha ngambil tarunia.
- (4) Sane keni pamidanda panyangaskara saha prabeya manutin pararem makadin ipun :  
ha. Sang nruwenang taru sinanggeh mayanin, prade pungkut ngarubuhin wewangunan anak tjos.  
na. Sang notor, munggul wiadin ngebah taru prade pungkut tur ngarubuhin padruwean anak tjos.
- (5) Prabeya panyangaskaran, inggih punika :  
ha. Yan kamargiang sajeroning tigang rahina, kengin antuk ayam brumbun asiki sakadulurania.

na. yan.....

- (4) Krama desa patut nyangara wewalungan miwah sarwa aprani, tan kapatutang ngamademang paksi, nuba ulam; miwah sane sewosan. Prade wenten malaksana sakadi punika keni pamidanda manut pararem tur kaaturang ring sang Ngawawenang.

### Kaping 5

### B h a y a

### Pawos 37

- (1) Sane kasinanggeh bhaya luire :  
ha. jiwa bhaya; na. Geni bhaya;  
ca. artha bhaya; ra. Duracara ring agama;  
ka. Duracara ring wewalungan;
- (2) Sang manggihin kahanan jiwa bhaya, patut nepak kulkul bulus mapitulung manut pawos 22 (2) aksara ka.
- (3) Prade ring Desa kahanan jiwa bhaya, patut Desane ngaturang pamrayascita ring pura desa manutin pararem tur sang mayanin kaaturang ring Sang Ngawawenang.
- (4) Prade wenten jatma mamisuh utawi nguman-uman jatma tiyos, kakenanin pamidanda beya pacamil maduluran tebasan prayascitta.
- (5) Yening wenten jatma majengilan ring bale Banjar, ring Pura; utawi ring genah sane kasinanggeh suci, keni pamidanda manut pararem, maduluran panyangaskara prade sang majengilan kantos ngamedalang rah.

### Pawos 38

- (1) Sang manggihin kahanan artha bhaya (kamalingan), patut ngulkul mapitulung manut ring pawos 22 (2) aksara ka utawi sang kamalingan atur supeka ring Prajuru / Dulun Desa sane pacang nimbangin utawi nandanin manut pararem, saha maweweh panyangaskara prade wenten jatma ngamaling barang sinanggah suci.
- (2) Pratingkahe mapailon ring dusta kabawos saruron, prade wenten jatma manggihin maling tan nyadokang ring Prajuru/ Dulu jantos jatma tiyos nyaduang, patut kadanda kadi dandaning maling, sakweh pangargan wit manut cacakan Banjar, tur prade jantos ping tiga, malaksana asapunika wenang kasukserah ring sang Ngawawenang.
- (3) Prade wenten jatma ngarereh reramon, minakadi daun kelapa, ron tanpa sadok ring sang nruwenang wit, prade kacunduk (katara) patut kadanda kadi dandaning maling.
- (4) Yening wenten jatma ngaranjing kapakubon wiadin pakarangan jatma tiyos rikala suwung, mawastu sang madruwe karang kaicalan, wenang jatma inucap katuwekang antuk madewa saksi ring Pura Bale Agung.

(5) Mangda.....

- (5) Mangda tan katuwekang manut sakadi ring ajeng, asing-asing ngaranjing kapakubon Jatma tiyos patut :  
ha. matengeran suwara (mekaukan);  
na. nyantos sang nruwenang karang rawuh utawi masadok ring pangapit pinih tampek, maka buatan pangaranjinge;  
ca. pamedal karangnya kadagingin sawen, maka cihna pangarah rikala suwung.

Pawos 39

- (1) Warga desa sane kaicalan/kamalingan, prade pacang masaserep nunas kabebasan miwah panuntun ring kelihan banjar.  
(2) Prade genahe masaserep ngalangkung ka desa tiyosan, patut nunas kabebasan utawi uwak-uwakan ring kelihan banjar inucap mangda tatacarane maserep manut kadi dresta.

Pawos 40

- (1) Sahanan warga desane prade polih nuduk barang sakaluire mangda atur uninga ring kelihan banjar.  
(2) Kelihan banjar nyobyahang barang dadudukan punika mangda sang nruwenang sida mawali ngamolihang padruwenannya. Sang mariangkenin patut nyidayang nyihnayang mungguwing barang inucap gumanti padruweannyane.  
(3) Prade Jantos asasih tan wenten anak ngelingin, wenang barang inucap, kadrebe olih sang nuduk.

Kaping 6  
Panyanggran Banjar

Pawos 41

Krama Desa rikala ngawentenang karya suka-duka, patut kasanggra olih desa/Banjar, luwire :

- ha. Prade ngawangun Pitra Yadnya utawi Manusa Yadnya miwah yadnya sane mabuat,, manut pinunas sang mayadnya;  
na. Pangarombo tan pasangu sakatah ipun wentah ping tiga, langkungan ring punika patut katuran pangingu;  
ca. Pangingu rikala Panca Yadnya manut abot dangan Yadnya, prade saking semengan ngantos wengi katuran pangingu ping kalih.  
ra. Pangarombo tiyosan manut pararem.

CATHURTAS SARGAH

SUKERTA - TATA AGAMA

Palet 1  
Indik Dewa Yadnya

Pawos 42

- (1) Palinggih Panyiwian sane wenten ring sawidangan Desa Adat Bonjaka luwire:

ha. Kahyangan.....

- ha. Kahyangan Tiga, Pura Desa/Balo Agung, Pura Puseh, Pura Dalem;
- na. Pura Ulun Suwi;
- ca. Pura Batur Jati;
- ra. Pura Kembang Jenar/Kuning;
- ka. Pura Kemit;
- da. Pura Melanting;
- ta. Pura Prajapati.

(2) Rahina Piodalan ring soang-soang kahyangan inucap, kadi ring sor puniki :

- ha. Piodalan ring Pura Desa : Buda Kliwon nemu Purnama.
- na. Piodalan ring pura puseh : Anggara Kasih nuju padi masa sampun kuning (wasan mabiya kukung).
- ca. Piodalan ring Pura Dalem : Sukra Pon Julungwangi.
- ra. Piodalan ring Pura Ulun Suwi : Saniscara Kliwon Uye.
- ka. Piodalan ring pura Kembang Jenar : Buda Umanis Julungwangi.
- da. Piodalan ring Pura melanting : Buda Wage kelawu.
- ta. Piodalan ring Pura Batur Jati : Purnama Kadasa.
- sa. Piodalan ring Pura Kemit : Anggara Kliwon Nemonin Pantun Sampun Kuning.
- wa. Piodalan ring Pura Prajapati : Sukra Pon Julungwangi.

(3) Pangaci ring Pura inucap manut kecap Sastra Agama, saha kalaksanayang manut dresta, makadi Nista, Madya, Utama, manut kawentenan lan pararem.

(4) Pangempon Suang-suang Pura manut dresta kadi ring sor:

- ha. Kahyangan Tiga kaemong olih krama Desa Adat;
- na. Pura Kemit kaemong olih Krama Desa Adat;
- ca. Pura Melanting kaemong olih Krama Banjar;
- ra. Pura Prajapati kaemong olih Krama Banjar.

Pawos 43

(1) Ring soang-soang Pura inucap patut kaadegang Pamangku;

(2) Ngadegang Pamangku, kubayan lan panyarikan manut dudonan :

ha. Nyanjan utawi masemuang, soang-soang mapiteges mapinunas ring ajeng Pura wadin kadura Desa manawi ring balian konteng, lan sapanunggilannya;

na. Kapilih/kacatri olih I krama Desa malarapan antuk ngaturang sedah lalekesan, sane silih tunggil ring sajeroning lekesan punika madaging pinget sane kabuatang (Pamangku, Panyarikan pura) saha upakara sregep. Sasampun kapiuning ring ida batara, raris kaambil olih soang-soang krama sanistane ping tiga, sane ngeniang lekesan madaging pinget sane kabuatang, pateh ping tiga, punika sane kaadegang.

(3) Tan kawenang adegang Pamangku, kubayan lan panyarikan pura luwira :

- ha. Cendangga;
- na. Naen ngalaksanayang Sad Atatayi;
- ca. Sang sapa-sira ugi sane tan kapatuang manutin manutin pararem.

(4) Prabia.....

- (4) Prabja kapamangkuan, maka miwah panyarjikan pura luire :
- ha. Adiksa Widhi ( ngawintenin ) lanang jatri kamedalin saha kalaksanayang olih sang ngadegang(krama);
  - na. Riwekas yan prade pamangku, maka miwah panyarjikan pura beda, wenang sang ngadegang sane kayogya ngawedalin saha muputang upakara lan upacaraia manut pararem;
  - ca. Sinalih tunggil krama yan wenten ngipik-ipik saapar polah pamangku, nanging pamangku tan wenten asapunika pari polahnya kadi sane kapiik-ipik wenang jadma inucap kasi-sipang nyuciang pamangku manut pararem;
- (5) Pamangku patut ngamanggehang sesaning Pamangku luwire :
- ha. Ambek Dharma sadhu;
  - na. Asewaka Dharma, makadang sastra utama;
  - ca. Tan parek ring naya dustha;
  - ra. Tan atayub ring tarub camara yudha;
  - ka. Tan manjing ring umah wong banja karma;
  - da. Tan manjing ring umah wong darati krama;
  - ta. Tan wenang ajajuden;
  - sa. Tan anginum asing angawé mada;
  - wa. Tan pati pikul-pikulan;
  - la. Tan salah suluh;
  - ma. Tan wenang anayub upadrawaning cor, yan mawiyawahara teka wenang adewa saksi;
  - ga. Tan griganing wong akweh;
  - ba. Tan keneng cuntakaning wong len, sajawanin kulawarganya tunggil natah, utawi pasiwanya manut dresta.
- (6) Prade mamurug, wenang Pamangku nyepubin raga kasaksinin olih Prajuru desa.
- (7) Yan pacang ngawalat rabi wenang ngaturang rumahun pawintenanya ring Pura genahya madeg Pamangku nguni, tembenya wawu ngawalat rabi riwus upacaraanya wenang ngawana wasa salaminya atahun, wus punika wawu mawinten laki bi kadi pawintenanya nguni.

Pawos 44

- (1) Pamangku lan kubayan muputang/ngenterang upacara piodalan ring Kahyangan utawi ring soang-soang paumahan;
- (2) Yan prade pamangku lempas ring sesana, miwah swadarmaning kapamangkuan, wenang tiwakin pamidanda manut pararem;
- (3) Prade salah sinunggil Pamangku kapialang utawi cuntaka, kengin nguntap Pamangku tiyosan wenang bendesa ngamangiang pujawali.

Pawos 45

Patias utawi olih-olihan Pamangku luwire ;

- ha. Panyolasan miwah sarin canang ring soang-soang pakubon krama Desa;
- na. Upon palaba carik miwah tegal manut pararem;
- ca. Luput pakaryan, rerampen/reramon, lan padagjangan (luput manuk);
- ra. Patias sewosan manut pararem.

Pawos.....

Pawos 46

- (1) Pamangku, kubayan miwah panyarikan pura kagentobin riantukan ;  
ha. S e d a / l a m p u s ;  
na. Pinunas ngaraga, manawi kageringan lan sapanunggalannya;  
ca. Kawuwang olih krama riantukan lempas ring sesana maka miwah swadarmania soang-soang;
- (2) Prade Pamangku lan panyarikan pura kawuwang sangkaning manut pawos 46 aksara ca ring ajeng, keni pamidanda manut pararem , tur ngawaliang prabeya nikel pawintenan nguni.

Pawos 47

Kasukertan Kahyangan kadi ring sor :

ha. Tan kalugra ngaranjing kapura luwira :

- 1) Sang katiben cuntaka makadi sebel ring raga;
- 2) Makta sahanan barang sinaggeh ngaletihin;
- 3) Banteng sampun matelusuk/Sato agung, sajawaning rikala mapapada;
- 4) Mabusana sane tan manut kadi tatacaraning ngaranjing kapura;
- 5) Saderang polih wak-wakan (pituduh ) Prajuru Desa.

na. Pratingkahe tan wenang ring Pura :

- 1) Masumpah ( cor ) sajawaning pituduh Prajuru Desa;
- 2) Makobetan/makoratan, masasenengan, makolem dados asiki lanang wadon, mabacin, mawarih, macecepin rare, nyangsang busana, majajal, menahin pusungan (santukan punika rikala majajahitan patut magelung busung macingor lidinya);
- 3) Munggah tedun palinggih sajawaning pituduh Prajuru Desa.

ca. Sang mamurug kecap ring ajeng keni pamidanda manut pararem.

Pawos 48

- (1) Yening wenten anak karawuhan ring Pura, kengin kapintonin, prade rumasa kasumangsayan, yan tan wiakti, jatma inucap kasisipang manut pararem tur jadma punika kabakta ngajabayang.
- (2) Prade ring Kahyangan kahanan durmanggala, minakadi keni bhaya Pamangku/Sang manggihin, patut digelis nyadokang ring Prajuru desa/banjar mangda marumang krama Desa tur ngawentenang pamrayascitta sapatutnya.

Palet 2  
Indik Resi Yadnya

Pawos 49

- (1) Sajawaning pamangku Sang pacang madeg Pandita makadi Balian Sonteng, Kubayan, Dalang, sakaluwiring sane jagi ngenterang Yadnya patut masadok ring Prajuru Desa utawi ring Parisada Hindu Dharma Indonesia.

(2) Prajuru.....

- (2) Prajuru Desa patut ngawas nitenin tur wenang ngalangan prade wenten kacilhan nyasar kakecap miwah drestane, tur sareng nyaksinin upacara saba nyarwakang ring paruman Desa tegap rawuhing wates kawenangannya ngenterang yadnya.

Pawos 50

- (1) Pamangku patut ngariyining muputang ring wawidangan Desa Adat Bonjaka, sasampun puput wawu kangkat muputang ring genah lianan.
- (2) Krama desa sami patut sareng ngawas nitenin katuntun olih Prajuru, mangda bahanan yadnya sane kawentenang kalceh pamuput olih Pinandita manut kawengannya soang-soang.

Palet 3

Indik Pitra Yadnya

Pawos 51

- (1) Pamargin Pitra Yadnya madudonan manut sakadi ring sor :  
ha. Upakara mapendem/sinurupingsiti, utawi mapendem ring geni;  
na. Upakara makingsan ring geni/pratiwi;  
ca. Upakara atiwa-tiwa (ngaben/palebun)
- (2) Upacara riwusan ngaben/palebun, kalanturang antuk upacara ngarorasin, lan nyekah/ngastji.

Pawos 52

Swadharman lan tategenan rikala wenten sinalih tunggil Krama kalayu sekaraan :

ha. Sang kaduhkitan patut :

- 1) nyadokang ring Klijan banjar tur nunas tatimbangan ring kawentenanya;
- 2) ngaturin I Krama Banjar ngarombo makarya eteh-ete sarwi kadulurin panyanggra canang (base) saeidan.

na. Swadharmaning kelihan Banjar :

- 1) Klijan Banjar maritatas pamargin sang kaduhkitan, napike pacang kapendem, makingsan riwin utawi lantur kaabenang;
- 2) Prade pacang kapendem, makingsan, utawi kaabenang pangariyin I Klijan Banjar patut nunasang indik dudonan pamargi utawi padewasane ring jero kubayan sasampun tinae, wawu katepakang kulkul manuting pawos 22 (3) aksara ca (1) olih I Klijan banjar/petajuh dane.

ca. Pawedal lan swadharman I Krama banjar, rikala wenten lampus :

- 1) Beras manut pararem;
- 2) Jinh manut pararem;
- 3) Ngaryanin upacara lan eteh-ete sawa;
- 4) ngater kasetra gumentos puput mapendem utawi mageseng;
- 5) Tan kengin ngalelet langkungan ring 7 (pitung) rahina, sajawanin pamangku lan panyarikan pura, tur polih pagebagan manut paetangan Klijan patas/banjar.

6) Tan.....

6) Tan kalugra nginepang bangbang miwah mendem rikala:  
semut sadulur,  
kala gotongan,  
Pasah,  
Kliwon, kajeng Kliwon,  
Soma, Umanis, Taulu,  
Was panganten,  
Ingkel wong,  
Prawani, Purnama, Tilem,  
Rerahinan jagat.

- ra. Prade wenten kalayu sekaran rikala piodalan; kengin mendem tanpa sadok, tan nyuwarayang kentongan/kukul tur mamargi wengi/sasiliban utawi ka setra siosan (setra pakingsan).
- ka. Pamargin pamendeman utawi palebonan mangda nganutin sastra agama lan dresta.

Pawos 53

- (1) Sane kasinanggeh kacuntaka sakadi ring sor :
- ha. cuntaka antuk kalayu sekaran;
  - na. cuntaka antuk ngraja swala;
  - ca. cuntaka antuk ngembasang putra;
  - ra. cuntaka antuk karuron;
  - ka. cuntaka antuk sakit ila, buduh;
  - da. cuntaka antuk pawiwahan;
  - ta. cuntaka antuk gamia gamana;
  - sa. cuntaka antuk salah timpal;
  - wa. cuntaka antuk yening wenten anak istri mobot nenten kaupakarayang pabiukawonan miwah pawidiwidana;
  - la. cuntaka antuk mamitra ngalang;
  - pa. cuntaka antuk yaning wenten anak istri ngamedalang putra sadurunge maupakara pabiukaonan miwah pawidiwidana;
  - da. cuntaka antuk sad Tatayi.
- (2) Sengker cuntaka manut kawentenannya:
- ha. cuntaka kalayu sekaran, cuntakanya kaanutang ring loka dresta Desa Adat soang-soang;
  - na. cuntaka ngraja swala, 3 rahina ngawit saking ngraja swala utawi salaming ngraja swala;
  - ca. cuntaka ngembas putra, 42 rahina (abulan pitung rahina) ngawit saking putrane embas, utawi ngantos sampun kaupakarayang makakambuhan lan maperayascita manut sastra Agama, lanang wiadin istri;
  - ra. cuntaka karuron, cuntakanya abulan pitung rahina (42 rahina) tur sampun matirta pamerayascita;
  - ka. cuntaka sakit ila, buduh/edan, cuntakanya manut ilikita pastika saking Sang Ngawawenang miwah sampun mrayascita raga;
  - da. cuntaka pawiwahan, cuntakanya ngatos sasampune matirta pabiukaonan;
  - ta. cuntaka.....

- ta. cuntaka gamia gamana, cuntakanya ngantos sasampune kapalasang/kasapihang tur sampun kawentenang pamrayascita raga miwah pamrayascita Desa Adat/Kahyangan/pabiukaonan;
- sa. cuntaka salah timpal kapuputang manut ring sastra Agama Hindu;
- wa. cuntaka anak istri mobot nenten kawentenan upakara pabiukaonan, cuntakanya ngantos kawentenan upakara pabiukaonan;
- la. cuntaka mamitra ngalang, cuntakanya ngantos kawentenang upakara pabiukaonan;
- na. ngembasang putra nenten kawentenang upakara pabiukaonan miwah pawidiwidana, cuntakanya ngatos wenten sane mameras sang putra, lan sampun kawentenang upakara manut ring sastra Agama Hindu;
- ga. cuntaka Sad Tatay, cuntakanya ngantos sampun maprayascita raga tur nenten pisan dados ngamungganghang upacara padwijatian.

(3) Cuntaka kalayu sekaraan/kapademan :

- ha. Kapadem cuntakanya :
  - 1) cuntaka/sebel kabanjar ngantos 3 rahina riwusnya mendem utawi sasampun polih pamrayascita.
  - 2) kulawargania sajeroning pakarangan ngantos 42 rahina.
- na. Kaabenang cuntakanya :  
Sang nyambut karya Pitra Yadnya cuntakanya ngawit saking nyambut padewasan karya, wusan mapegat kalanturang malih tigang rahina.

(4) Sane katiben cuntaka luwire :

- ha. Kalayu sekaran sane kacuntaka :
  - 1) sang sane kalayu sekaran;
  - 2) kulawarganya;
  - 3) babanjaran;
- na. Ngraja swala sane kacuntaka :  
- Sang sane ngrajaswala.
- ca. Ngembas putra sane kacuntaka :  
- Kawulawargania sane ngembasang putra lanang wiadin istri.
- ra. Pawiwahan sane kacuntaka :  
- Sang sane ngalaksanayang pawiwahan lanang wiadin istri.
- ka. Sakit ila/buduh, sane kacuntaka raganya dawak.
- da. Karuron sane kacuntaka :  
- Kawula warganya lanang wiadin istri.
- ta. Gamia gamana sane kacuntaka :
  - 1) Sang sane ngalaksanayang gamia gamana;
  - 2) Desa Adat nyane.
- sa. Salah timpal sane kacuntaka :
  - 1) sang sane malaksana salah timpal;
  - 2) kulawarganya;
  - 3) Desa Adat/kahyangan.
- wa. Anak istri mobot nenten kawentenang upacara pabiukaonan sane kacuntaka :  
- Sane maraga istri (sane mobot)

- la. Mamitra ngalang sane kacuntaka :  
- Sane ngalaksanayang mamitra ngalang.
  - ma. Ngembas putra nenten kawentenang upakara pabjukanen miwah upakara pawidi-widana sane kacuntaka :
    - 1) Sang sane ngembasang putra;
    - 2) Putra sane mbas.
  - ga. Sad Tatayi, sane kacuntaka :  
- Sang malaksana Sad Tatayi .
- (5) Tan keneng cuntaka, luwire :
  - 1) Sang sulinggih lan Pamangku Kahyangan tiga;
  - 2) Rikala piodalan risampun ngalang sasih/ngalang tengah.

Pawos 54

- (1) Attiwa-tiwa (pangabenan) kalaksanayang antuk :
- ha. Sawa prateka, pangabenan mawatang sawa;
  - na. Sawa reesi, pangabenan mawatang antuk sawa kresyan;
  - ca. Suwasta, pangabenan mawatang sawa sane tan kakeniang, kagentos antuk lalang utawi toya.
- (2) Pamargin atiwa-tiwa makadi ring sor :
- ha. Sajeroning tigang warsa wenang ngawangun/ngaben wantah apisan, sakemaon yaning wenten mependem lagkungan ring amasa patut katiwakin tirta pangentas .
  - na. Yaning pamangku kahyangan/selegen lan panyarikan pura wenang kamargiang patatiwan satunggil seda, tan wenang pinendem.
  - ca. dudonan patatiwan ngawit saking wawu seda utawi ngulapin ngeseng jantos pangiriman.

Pawos 55

- Papatusan lan panyanggran/pawedal banjar :
- ha. pawedal patus saking I Krama banjar inggih punika :
    - 1) Beras patus manut pararem utawi kaanutang ring katah/kidik kakedengan banjare, riantukan punika kaangge panyanggran banjar;
    - 2) Ayam/pitik manut pararem, kemawon kikil pitike punika mangda wenten kalih nyari dawane (polih saking banjar kuwuban boya soang-soang krama);
    - 3) gesing akatih, agengne agemgem kalih nyari;
    - 4) miwah sane sijoesan manut pararem.
  - na. Kakaryan sane dados amongan I Krama banjar luire :
    - 1) Eteh-eteu upacara lan upakara sawa;
    - 2) Joli lan patulangan;
    - 3) Ngater kasetra saha ngalaksanayang sahananing karya sane wenten kilitan ipun ring patatiwan inucap ring ajeng gumentos puput.

Pawos 56  
Pangingu Banjar

Mungging pangu ring I Krama Banjar wantah kaanutang ring abot dangan kakaryane, saha taler kaanutang ring pararem.

Palet.....

Palet 4  
Indik Manusa Yadnya

Pawos 57

- (1) Manusa Yadnya ingih punika upacara-upakara dharmaning manusa, ngawit sakeng patemoning kama bang kalawan kama patak sajeroning garba ngantos kalayu sekaran riwekas.
- (2) Upacara ring ajeng madudonan sakadi ring sor :  
ha. duk sang kamareka medal;  
na. kepus odel;  
ca. roras rahina;  
ra. tutug kambuhan (42 rahina);  
ka. nigang sasihjin ( 3 sasih );  
da. pawetuan/otonan/odalan (6 sasih);  
ta. tutug kelih (ngraja swala wadone, ngembakin lanange)  
sa. matatah/mapandes;  
wa. mawiwaha/nganten;  
la. mawinten.
- (3) Upacara-upakara inucap nista, madia, utama sane tan maren kaanutang ring kecaping sastra agama lan catur dresta.

Palet 5  
Indik Bhuta Yadnya

Pawos 58

- (1) Bhuta Yadnya inggih punika upacara-upakara byakala ring Pratiwi lan Kahyanga, sarwa prani saha upacara-upakara ring babuthan miwah ring piranti sewosan.
- (2) Upacara pabyakala ring sarwa prani, sarwa tumuwuh muwang piranti luwire :  
ha. Ring sarwa lalandep rikala Saniscara Kliwon wara Landep;  
na. Ring sarwa tumuwuh lan piranti rikala Saniscara Kliwon wara Wariga;  
ca. Ring sarwa syandana/wabana rikala Saniscara Kliwon wara Kuningan;  
ra. Ring sarwa lelanguan rikala Saniscara Kliwon wara Krulut;  
ka. Ring sarwa ingon-ingon/ wewalungan rikala Saniscara Kliwon wara Uye;  
da. Ring sarwa ringgit, ukir-ukiran rikala Saniscara Kliwon wara Wayang;  
ta. Upacara pakala-kala ring manusa manut widana, kabawos pabyakala.
- (3) Upacara pabyakala ring Pratiwi, Kahyangan lan Babuthan kawastaning macaru.
- (4) Pacaruan inucap ring ajeng nista, madia, utama, manut wiguna kadi ring sor :  
ha. Ekasata;                      na. Panca sata;  
ca. Panca sanak;                ra. Resi gana;  
ka. Tawur Agung;                da. Panca kelud;

(5) Sajawaning.....

- (5) Sajawaning kadi ring ajeng kawentenang upacara :  
ha. majot-jotan utawi yadnya basa nyabran wusan ngarateng;  
na. masapuh-sapuh rikala pacang wali ring pura;  
ca. Pacaruan pasasih kalaksanayang nangken Tilem ngawit  
sasih ka 5, 6, 7, 8, lan ka 9, sajawanin wenten  
durbhiksan jagat.

Pawos 59

- (1) Nangken ngawarsa rikalaning Tilem kasanga kawentenang upacara tawur kasanga, kalanturang antuk ngarupuk; makacihna pacang mapag rahina panyepian benjangne sane dudonanipun makadi ring sor :  
ha. ring pangelong ping 13, ida batara sami katuran malis/malasti ka sagara ring pamedal tirtane lianan;  
na. Yan prade ring rahina inucap rig ajeng sedek dina pasah, pamastiane punika kamargiang ring rahina tileming kasanga .  
(2) Brata panyepian sane kamargiang olih krama Desa Adat Luwire:  
ha. amati geni; tankengin maapi-api;  
na. amati karya; tan kengin nyambut karya;  
ca. amati lelanguan, tan kengin maoneng-onengan, masuwara gora, lan sapanunggalannya.  
ra. amati lalungan, tan dados malancaran.  
(3) Pabratan inucap kamargiang saking semeng ngantos semeng benjangne/ndag surya raris kasuwarayang kulkul pangembak nyepi manut pawos 22 (3) akasara ca.  
(4) Sang mamurung kecap ring ajeng keni pamidanda manut pararem Banjar/tempek soang soang kamargiang olih patelik (pacalang Desa).  
(5) Riwus rahina Nyepi (benjangne) maka cihna pangawit Icaka Warsa, patut warga Desa maturan ring merajan ngalantur masima krama (madharma Santi).

Pawos 60

Indik Cuntaka lan Sengkernia

- (1) Cuntaka sangkaning seda/padem :  
ha. Yan dereng makupak/maketus :  
- Sang kaduhkitan ngawit saking wawu lampus jantos 12 rahina saking mapendeme.  
- Krama banjar ngawit saking lampus jantos 3 rahina saking mapendeme.  
na. Yan sampun makupak/maketus:  
- Sang kaduhkitan ngawit saking lampus, jantos 42 rahina padewasaan mapendeme;  
- Kerama banjar ngawit saking wawu lampus jantos 12 rahina saking padewasaan mapendeme;

ca. Yan.....

- ca. Yan Sang sampun makupak / maketus ngalantur kaabenang utawi ngawangun:
- Sang kaduhkitan ngawit saking wawu lampus utawi yening ngawangun, ngawit saking wawu ngariyinin ngoreng sanganan sane jaga kaangge upakara patatiwan punika, Jantos 12 rahina saking padewasaan pangutange turin sasampune ngamargiang upakara panyeeban.
  - Krama banjar ngawit saking wawu lampus utawi yening ngawangun, ngawit wawu ngariyinin ngoreng sanganan sane pacang kaangge upakara patatiwaan punika jantos 3 rahina saking padewasaan pangutange, turin sasampun ngamargiang upakara pangabuan ring pura puseh.
- (2) Cuntaka/sebel sangkaning ngarajaswala/campur :
- ha. Sane keni cuntaka wantah deweknia nunggal, panganggenia lan genahnia aturu;
  - na. Suwenia sakantun ngamedalang rah, diastu sampun wusan ngamedalang rah yan prade durung wenten 3 rahina tur dreng mabersih, taler kantun kasinanggeh cuntaka.
- (3) Cuntaka/sebel sangkaning madruwe putra :
- ha. yayah renania, rarenia, kulawargania sajeroning pakarangan;
  - na. Swenia cuntaka :
    - 1) Kulawarga sajeroning akarang, gumentos kepus odel.
    - 2) Yayah lan kulawargania, sajeroning apaon, 12 rahina.
    - 3) Renaningrare akambuhan ( 42 rahina ) gumanti maparayascita.
- (4) Cuntaka/sebel sangkaning karuron :
- ha. Sakirang ipun 12 rahina sasampun maparisuda.
  - na. Deweknia, somahnia, umahnia, lan panganggenia.
- (5) Cuntaka/sebel sangkaning parabian :
- ha. Sang marabian lan genahnia.
  - na. suwenia gumentos kasakapang.
- (6) Cuntaka/sebel sangkania gamia gamana :
- ha. Sang malaksana lanang istri lan desa adat.
  - na. Suwenia gumentos kapalasang tur kaprayascita deweknia. Desa Adat lan kahyangan sami sane wenten ring sajeroning Desa Adat Bonjaka, sampun kaprayascita.
- (7) Sebel sangkaning salah timpal :
- ha. Sang malaksana kulawargania lan Desa Adat/kahyangan.
  - na. Suwenia gumentos sang malaksana maparayascita ring sagara miwah ngamargiang pamarayascitan jagat (Desa Adat Bonjaka).
- (8) Reling Deha :
- ha. Sang beling saha genahnia aturu.
  - na. Suwenia gumentos mabiyakawonan tur ngamargiang pamarascitaan ring kahyangan.
- (9) Rabinjat :
- ha. meme lan pianaknyane.
  - na. Salamj dereng wenten mamas, pianaknyane lan marayascita deweknyane (meme lan pianaknyane).

(10) Mitra.....

- (10) Mitra Ngalang :  
ha. Deweknia makakalih (lanang istri) lan genahnia aturu.  
na. Salami gumentos maperayascita.
- (11) Malaksana sad tatayi :  
ha. Deweknia nunggal.  
na. Gumentos maperayascita.  
ca. nenten kangkat dados pandita/pinandita.
- (12) Gering ila :  
ha. Gumentos waras.  
na. Dewek lan panganggenia.

Pawos 61  
Indik Sasaradan

Sajeroning ngambil kakaryan sane mabuat, bilih-bilih sane muatang pangrombo sane katah, kawenang nyarad warga Desa Adat, sakemaon kaanutang ring agung alit kakaryane. Silih tunggil kakaryan sane kawenang nyarad warga Desa, utawi Banjar, inggih punika rikala ngawentenang Panca Yadnya, ngingsirang umah, gelebeg/lumbung, miwah sane lian-lianan sane kasinanggeh mabuat, inggih punika :

- ha. Sajeroning ngamargiang patatiwan wenang nyarad :  
1) Krama Banjar sami, lanang istri rawuhing Taruna-taruni lan robania sami.  
2) Krama Banjar sami, lanang istri lan sekaa teruna.  
3) Krama Banjar sami lanang istri.
- na. Sajeroning ngamargiang Panca Yadnya taler kaanutang ring sor singgih yadnyane sane kamargiang saha pinunas sang madruwe Yadnya lan panyanggrania.
- ca. Nyarad rikalaning ngingsirang umah, gelebeg/kerumpu, miwah sane lian-lianan taler kaanutang ring abot dangan kakaryane tur panyanggrane.

PANCAMA SARGAH

SUKERTA TATA PAWONGAN

Palet 1  
Indik Pawiwahan

Pawos 62

- (1) Pawiwahan inggih punika patemon purusa kalawan pradana, malarapan panunggalan kayun suka lila kadulurin upasaksi sakala niskala.
- (2) Ngalaksananyang pawiwahan luwire :  
ha. Papadikan, kamanggala antuk pakrunayan;  
na. Ngarorod, marangkat riyin wawu kakrunayang/ngaluku;  
ca. Nyeburin, riantukan wadone manggeh sentana rajeg.

(3) Pidadab.....

- (3) Pidadah sang sane pacang mawiwaha patut :  
ha. sampun manggeh deha - taruna (prasida nganutin Undang-undang);  
na. sangkaning pada rena/lila (tan kapaksa);  
ca. manut kecaping sastra Agama ( tan gamia gamana );  
ra. Kawujudang (kasudiwadani) prade pangambile tiwas Agama, utawi kapatiwangi.
- (4) Pamargin pawiwahan mangda taler nganutin Undang-undang Perkawinan sakeng Sang Ngawawenang.

Pawos 63

- (1) Pawiwahan sane kapatutang ring Desa Adat Bonjaka, sakadi ring sor :  
ha. sampun kamargiang pabyakala utawi pasakapan, kasaksiang sakala niskala olih Pamangku;  
na. wenten pasaksi Prajuru sane ngilikitayang sang mawiwaha;  
ca. sampun matengeran suwaran kulkul (pawos 22 (3) aksara ca (3));  
ra. pawiwahan inucap ring ajeng sampun kacatetang ring sang Ngawawenang.
- (2) Parabian sane tan manut kadi kecap ring ajeng sinanggeh tan patut.

Pawos 64

Tata polahe marabian patut ipun sakadi ring sor :

- ha. Sapa sira ugi-pacang ngawarangang pakulawangan patut masadok ring Prajuru, salanturnya Prajuru maritatas manut tan manut pamargin parabiane;
- na. pamargin papadikan manut dudonan :
- 1) ha. Kpratama antuk sedah sajangkepnyane maka tatakan pakrunan;  
na. Kaping kalih taler antuk sedah saha polahe makadi ring ajeng, sakemaon maweweh antuk canang sesantun lan ajuman maka tatakan atur piuninge ring sanggah kamulan wadone, yan prade pakrunane sampun katrima kulawarga wadone sami.
  - ca. Kaping tiga polahe taler pateh sakadi sane kaping kalih sakemaon upakara ipun malianan, inggih punika , ngangge upakara pajati, matatujon majatiang sang kakrunayang mapamit ring Bhatara-bhatari lan dewa Hyangnya .  
Ngawit saking rahina punika sang kakrunayang nenten kantun kakuwub olih kulawargania, dwaning sampun kaambil olih sang maraga purusa.
- 2) Salantur ipun risampun rawuh padewasane raris kalanturang antuk upacara pawarang-warang.
  - 3) Ngamargiang pakandelan ring Pura Puseh (makandelin) manut dresta.

4) Upacara.....

- 4) Upacara sane kaping untat mantuka ring kulawarga wadone wenten sane mawasta ngunya utawi maganggapan inggih punika antene lanang wadon saha katututin olih kulawargane budal kaumah wadone pacak saha makta rarapan marupa anaman bantal sane pacang kawehin kulawarga wadone saha canang daksina, adunan besantun, lan jauman sane jaga katur ring sanggar wadone. Sangu/ajengan angge pangingu warga kalih (warga lanang wadon).

ca. Prade ngarorod/ngarangkat patut:

- 1) Reraman lanange ngawentenang pamilaku, malarapan antuk duta sakirangnya 2 (kalih) diri mamida rtayang ring reraman wadone sane karangkatang.
- 2) Pagenahan antene tan kengin ring dunungan/paumahan sang lanang sadereng mabyakala.

ra. Sajeroning pakrunan/pangalukuan patut :

- 1) Kakawitin antuk nunas geng pangampura ring reraman sang karangkatang wadone.
- 2) Kaigumang babawos indik pakedih utawi kapalagayang arep ring pasewakan sang ngedih saha Dewasa pawarangane riwekas.
- 3) Kacihnayang indik kapurusane prade wadone kaajegang dados purusa kapatut lanange sane kaedih, kabaos pawiwahan nyeburin.
- 4) Prade pamlepehe tan katrima, pakrunane taler kamargiang jantos ping 3 (tiga), salanturipun pawarangane manggeh kamargiang.

ka. pakereb-kambeyan mapiteges upacara tinas apadang (puput) mapakuren, dwaning manut sakadi ring sor :

ba. Sajeroning kabawos ambe kalaksanayang ring sakala antuk sarana jauman miwah Widhi widana :

- 1) jejauman pinaka ngambe/ngadungang kayun soang-soang pakulawargan lanange miwah wadone;
- 2) widi widana pinaka pajati niskala nunas wadone ring Pamrajanya.
- 3) Ngaturang Widi widana pakandelan ring Pura Puseh, matatuwek, mangda kalugra makandelin Ida Bhatara saha dados munggah ring Bale Agung saha kasaksinin olih Prajuru.

na. Sajeroning bawos kerab pamargi ring sakala :

- 1) antuk penyaksi Krama Banjar, dwaning kaparabiang antuk tengeran swaran kulkul;
- 2) pamakas pasaksi Prajuru Desa/banjar sane ngilikitayang.

Palet 2  
Indik Nyapian

Pawos 65

(1) Parabiane/pakurenane prasida kawusang malarapan antuk palas parabian utawi padem/seda.

(2) Wusan.....

- (2) Wusan mapakuren riantukan salah sinunggal sedita mapitegee balu, makadi balu lanang/istri.
- (3) Palas parabiane wenten 2 (kalih) pawos inggih punika sangkaning pada lila utawi mawiwit wicara.
- (4) Sang ayat palas marabian patut atur supeksa pailikitan riyin ring sang Rumawos (Pengadilan Negeri) risampun tinas apadang pamutuse kabawos nyapian wawu Prajuru nyobyahang kawentenannya ring Desa/banjar saha kakaninin pamidanda /panebas swaran kulkul manut pararem.

Pawos 66

Tata cara palas marabian sakadi ring sor :

- ha. pagunakayan polih pahan pada;
- na. pabekel, tadtadan soang-soang kawawa niri-niri, warisan kawawa olih purusa;
- ca. Nyekolahang miwah ngupapira pratisentana manut swadarmaning Guru Rupaka, patut kalaksanayang olih Guru Rupaka.
- ra. Nawur pamidanda panebus swaran kulkul manut pararem;

Pawos 67

Prade riwekas sang palas kacihnan adung malih, patut :

- ha. ngalaksanayang pawiwahan malih;
- na. Keni pamidanda manut pararem.

Pawos 68

(1) Sang balu kabinayang dados kakalih :

- ha. balu luh wit sentana (sentana rajeg) miwah balu luh boya sentana;
- na. balu muani kapurusa (wit sentana) miwah balu muani nyeburin (boya sentana/pradana).

(2) Swadharmaning balu luwire :

- ha. ngamanggehang patibrata tan kengin ngamargiang paradara/dratikrama;
- na. nguasayang waris pagunakaya, tan dados ngadol, ngadeang, makidihang lan siosan punika, sajawaning kabebasaning olih pianak utawi kulawarga pinih tampek sakeng purusa, bayan prade pianak kantung alit-alit;
- ca. kengin ngidih sentana prade wenten pidabdab sadurung sinalih tunggil padem, saha kabebasaning olih kulawarga sakeng kapurusa;
- ra. kawenangang mawiwaha malih, prade wenten kabebasaning manut akeara na ring ajeng.

Pawos 69

Balu kaucap tan pageh sakadi ring sor :

- ha. daratikrama utawi paradara;

na. matilar.....

- na. matilar saking pakubon tan pasadok jantos 6 (enem) sasih;  
ca. lempas ring swadharna sewos-sewosan, tan prasida ngesehin  
solah maprawerti arep ring pituduh sane patut sakeng  
kulawarga purusa.

Palet 3  
Indik Sentana

Pawos 70

- (1) Sentana wenten tigang pawos, sane kaucap pratisentana lanang pratisentana wadon (rajeg) miwah sentana paperasan.
- (2) Pratisentana inggih punika sentana sane metu saking pawiwahan sane manut dresta.
- (3) Prade pawiwahan tan kapatut ngawetuang sentana, mangda tan kantun kawastanin babinjat utawi astra, patut kamanggala antuk panyangaskara.
- (4) Prade pawiwahan tan ngawetuang sentana kengin ngidih sentana antuk upasaksi sakala niskala sane kawastanin sentana paperasan, saha saking kulawarga sane pinih nampek pakilitanipun, pamekas sane saking purusa yan tan wenten, kangkat sakeng wadon lan saking sane lianan.
- (5) Sentana rajeg inggih punika, pratisentana wadon (pradana) sane kamanggehang lanang (purusa) tur risampun ngalaksanayang pawiwahan kaceburin.
- (6) Sang sane dados kaarsayang sentana rajeg inucap wiwit angka (5), inggih punika :
  - na. Pratisentana wadon tunggal;
  - na. Sampun kamanggehang dados pratisentana lanang (purusa);
  - ca. Kapawiwahan kaceburin kautamayang olih jadma sane maagama hindu utawi jadma sane maagama siyosan sane sampun ngalaksanayang pamarisuda raga utawi sudiwadani;
  - ra. Sane ngamanggehang sentana rajeg patut mapasadok ring Prajuru Banjar, tur I Klian Banjar patut nyobyahang ring Banjar saha ngaturang ring Prajuru Desa Adat.

Pawos 71

- (1) Ngadegang sentana manut dudonan patut masarana antuk upakara pamerasan saha kasaksiang ring sakala niskala.
- (2) Sapa sira ugi I krama sane pacang ngidih sentana patut masadok ring Bendesa sanistana 3 (tigang) sasih sadereng pamerasan;
- (3) Bendesa kasuksukin olih Klian Banjar mangda digelis nyarwakang ring sawidangan Desa, sang sapa sira ugi rumaksa tan lila mangda digelis nyadokang masenger kalih wuku (14 rahina) sadereng pamerasan;
- (4) Prajuru Desa/banjar digelis mawosin saha ngicening pamutus nepek ring catur dresta miwah pararem;

(5) Prade.....

- (5) Prade sulur paperasan tan manut kadi kecap ring ajeng, Prajuru Desa/banjar wenang ngandeg sang pacang mameras saha ngicening pamutus mangda kapuputang riyin babawos, mangda manut sulur sane becik.

Pawos 72

- (1) Paperasan sane sampun kabawos patut ring Desa Adat Ronjaka inggih punika :  
ha. Ngalaksanayang Widhi-widana paperasan;  
na. Kasaksinin olih prajuru Desa.  
ca. Kajarwakang/kasyarang ring krama Desa/Banjar.
- (2) Sane kapatutang kaangge sentana sakadi ring sor:  
ha. Nginutin Agama Hindu.  
na. papernahan nedunang saking sang mameras ;  
ca. Kulawarga saking purusa, prade tan wenten kengin sakeng wadon, yening taler tan wenten wawu kengin sakama-kama (saking kayun) sakewanten sang maagama hindu;
- (3) Kengin ngadegang sentana langkungan ring adiri, lanang wladin wadon Prade ngangkat sentana lanang wadon nenten pisan dados kapawiwahang.

Palet 4  
Indik Warisan

Pawos 73

- (1) Warisan inggih punika tatamian arta berana saha ayah-ayah ngupadi kasukertan sakala lan niskala saking kaluhurannya arep ring turunannya.
- (2) Kang sinanggeh warisan luwire:  
ha. Duwe tengah, makadi tegal, ayahan Desa, Kahyangan, pusaka siwa pakarana lan sapanunggalanya;  
na. Pamerajan;  
ca. Paginakayan, tadtadan / jiwa dana, hutang piutang.
- (3) Wawu kengin kabawos warisan prade wenten :  
ha. Sang mapiturun ( pawaris ) ;  
na. Katurunan ( ahli waris ) ;  
ca. Arta berana miwah tategenan makacihna warisan.

Pawos 74

- (1) Ahli waris luwire :

ha. Pratisentana purusa ;  
na. Pratisentana pradana (sentana rajeg);  
ca. Sentana paperasan lanang/wadon.

- (2) Prade tan wenten sakadi ring ajeng, kang sinanggeh ahli waris :  
ha. Turunan purusa pernah ngunggahang, rerama lanang, pekak salantur ipun rerama misan, mindon;  
na. Turunan purusa pernah kasamping makadi kaponakan, misan, mindon.

Pawos.....

Pawos 75

- Swadharmaning alih waris patut :
- ha. Nerima saha nguwasayang tatamian pahan saking kaluhuranya, makadi ngarempon sanggah, Pura saha pangupakaranya miwah nyaladhinin ayah-ayahan pawaris;
  - na. Ngabenang pawaris saha ngalanturang upacara-upacara pitra.
  - ca. Nawurin hutang - hutang pawaris sane manut pangaloika.

Pawos 76

- Swadarmaning waris/sentana patut :
- ha. nerima saha ngutsahayang tatamian pahan saking kulawargania makadi Merajan/sanggah, pura saha pangupakarania miwah nyaladhinin ayah-ayahan pawaris.
  - na. Ngabenang pawaris saha ngalanturang upacara-upacara pitra yadnyania.
  - ca. Naurin utang-utang pawaris manut pangalokika.

Pawos 77

Pangepahan warisan manut sakadi ring sor:

- ha. Risampun kalaksanayang Pitra Yadnya lan hutang-hutang pawaris buntas katawur;
- na. Para ahli waris polih pahan artha berana lan ayah-ayahan pada-pada kemaon ayah-ayahnya kengin magenti-genti.
- ca. Sinalih tunggil ahli waris kengin tan polih pahan prade:
  - 1) Nilar kawitan lan sesananing Agama;
  - 2) Alpaka guru rupaka;
  - 3) Sentana kesah mawiwaha utawi dados pratisentana nyeburin, soang-soang kabawos ninggal kadaton.
- na. Boya ahli waris kengin muponin hasil manut dudonan luwire :
  - 1) Sentana luh salami dereng kesah mawiwaha utawi tan alpaka guru;
  - 2) Balu luh wiadin muani nyeburin (soang-soang boya sentana);
  - 3) Mulih deha utawi taruna, riantukan ring pawiwahane pecak sampun kabawos ninggal kadaton.
- ka. Pawaris kengin maweweh rikala maurip pinaka jiwa dana, tadtadan / bekel, makacihna paweweh tetep ring pianak sane kesah mawiwaha.

Pawos 78

- (1) Prade sajeronin pakulawargan wenten ahli waris langkungan ring adiri patut :
  - ha. kawentenang paiguman indik pedum waris inucap;
  - na. yen tan prasida katunasang tatimbang ring Prajuru, kengin katumusang ring sang rumawos (pengadilan Negeri).

SAT.....

SAT SARGAH

WICARA LAN PAMIDANDA

Palet 1  
Indik Wicara

Pawos 79

- (1) Sane wenang mawosin makadi mutusang wicara ring Desa inggih punika Prajuru / Dulu Desa sinanggeh Kerta Desa.
- (2) Tata dudonan mawosin saha muputang wicara warga desa kadi ring sor :
  - ha. Kaping ajeng kabawosin olih kelihan banjar;
  - na. Tan cumpu ring panepas Kelihan Banjar karerehang pamutus ring paruman banjar;
  - ca. Prade tan cumpu ring pamutus banjar, katumusang ring Bendesa Adat lan Kerta Desa;
  - ra. Taler tan wenten cumpu ring pamutus Bendesa lan Kerta Desa katunasang ring Paruman Desa Adat.
- (3) Prade sang mawicara tan wenten cumpu ring pamutus Kerta Desa, kengin nunasang wicara inucap ring sang Rumawos.

Pawos 80

- (1) Sahanan wicara mawiwit kacorahan saka luwire sinanggeh nungkasin daging Awig-awig, pararem miwah paswaran Desa/Banjar, Prajuru / Dulu patut digelis mawosin tan nyantos pasadok.
- (2) Sajaba wicara kadi ring ajeng patut nyantosang pasadok sang nunas bawos.
- (3) Panepase patut pastika nyantenang iwang patut malarapan Tri Pramana ( saksi, ilikita, bukti ) miwah tan maren nepek ring Catur Dresta.

Palet 2  
Indik Pamidanda

Pawos 81

- (1) Desa/Banjar wenang niwakang pamidanda ring warga Desa sane sisip.
- (2) Paniwak inucap kalakeanayang olih Bendesa/Klian Banjar.
- (3) Bacakan pamidanda luwire :
  - ha. ayahan panukun kasisipan;
  - na. danda arta;
  - ca. Rarampagan;
  - ra. panyangaskara.
- (4) Pamidanda sane katiwakang patut masor singgih manut ring kasisipane.

(5) Jinah.....

(5) Jinah utawi raja brana pamidanda punika ngaranjing dadoc druwen Desa/Banjar.

Pawos 82  
Indik Rerampagan

- (1) Krama sane langkungan ring tigang paruman ngalantur tan nawur urunan miwah dadandan wenang karampag.
- (2) Polabe ngarampag tatacaran sakadj ring sor :
  - ha. Kalaksanayang olih Prajuru kasarengin olih Krama saakeha tigang diri maka sakei;
  - na. Sang ngarampag sangkanin darsana ngambil barang utawi nyawenin tanem tuwuh, akehnya manut ring utang sang karampag, Sang Karampag sangkanin lila nyukserahang barangnyane pinaka wala;
  - ca. Prajuru mitektang mangda barang-barang sane karampag digelis katebus, masenger awuku (7 rahina) ring kutus rabinane pacang kaadli;
  - ra. Tan nganinin saluwir barang sane patut inggilang manut Agama miwah tan mademang pangupa jiwa sang karampag.
- (3) Prade sang pacang karampag ngawara (ngalangin) palaksanaan Inucap mawastu sampun tan nganutin Awig-awig Desa Adat Bonjaka wenang karang Desa sane kagenahin kadaut olih Desane.
- (4) Pamidanda inucap ring adeng sami buntas risampun sang kakeninin :
  - ha. nunas geng pangampura ring Krama Desa riantukan nguak pasubaya (pararem) pecak;
  - na. nawur pangargan panguak pasubayane duk pacang karampag kadulurin pamrayacitta panyapsap kaiwangane ring Desa.

Pawos 83  
Indik Pecamil

Sahananing rancangan/babawos utawi kakaryan sane sampun kamanggehang tur kaingkupin ring paruman olih I Krama Desa/banjar mawastu wenten silih tunggil krama sane ngucapang rancangan babawos utawi kakaryan punika nenten patut, wong inucap kakaninin pamidanda pacamil manutin pararem.

Pawos 84  
Pararem lan Paswaran

- (1) Paruman Desa utawi Banjar patut ngamedalang pararem-pararem anggeang mategepin Awignia nunggal-nunggal manut dudonan.
- (2) Daging sahanan pararem patut saeloan ring daging Awig-awig.
- (3) Sane patut kaunggahang ring pararem minakadin ipun :
  - ha. Dewasa ngawitin kasobiahang daging Awig-awig lan sane mabuat;
  - na. Rarincikan bacakan daging Awig-awig sane mabuat;
  - ca. Agung alit pamidanda panikel-panikel lan salantur ipun;
  - ra. Tatasulur ngamargiang daging Awig-awig;
  - ka. Sahanan Indik sane siwosan sane wenten kilitan ipun maka pamitegep daging Awig-awig punika.

Pawos.....

Pawos 85

peruman Parajuru tan maren patut :  
ha. Saaloan ring daging Awig-awig lan pararem-pararem;  
na. Manut ring Adat, Agama, Sastra Loka miwah Deba dresta;  
ca. Pastika nyantenang Agung alit pamidanda ya kapuri.

SAPTAMA SARGAH

NGUWAH - NGUWUHIN AWIG - AWIG

Pawos 86

- (1) Nguwah-nguwuhin Awig-awig Desa puniki kalakeanayang ring peruman Desa.
- (2) Awig-awig puniki kamargiang ngawit kaingkupin (kararemin).

Pawos 87

- (1) Sakaluwiring sane pecak sampun naen wenten patut kaanutang ring daging Awig-awig puniki.
- (2) Sakaluwiring sane durung kaunggahang sajerening Awig-awig puniki patut kalaksanayang manut tata cara sane sampun ketah mamargi kadulurin antuk pararem-pararem.

ASTHAMA SARGAH

S A M A P T A

Pawos 88

- (1) Awig-awig puniki kararemin duk rahina Budha Wage Wara Warigadian sasih Jyesta Isaka 1921 Masehi 19 Mei 1999 ring Wantilan Desa Adat Bonjaka.
- (2) Awig-awig puniki kalingga tanganin olih Bendesa lan Prajuru Adat, kasarengin klian-klian Banjar, saha kasaksinin olih Prajuru Dinas pinaka saksi.
- (3) Lawir sang ngalingga tanganin :


ha. Kapratama Prajuru Adat :

1. Bendesa Adat Bonjaka



( I Made Lisig )

2. Penyarikan



( I Ketut Aget )

2. Klian-klian Banjar :

Klian Banjar Adat Bonjaka.


  
( I Wayan Kair, S.H. )

na. Kaping kalih Prajuru Dinas pinaka saksi :

1. Kepala Dusun Bonjaka

  
( I Wayan Kair, SH. )

  
Kepala Desa Sebatu  
Rio Wiryawan )

  
Camat Tegallalang  
( Drs. I Dewa Putu Pariwesa )